

ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

Pražnik 2023
28. lětnik, 276. wudaće

Rjadowniska jězba do Błótow

Póndźelu, dnja 17.04.2023 dojedźeštej sej sedmej lětnikaj na rjadownisku jězbu z ćahom do Choćebuza. Po tym zo do młodownje doběžachmy, wupožćichmy sej kolesa a jědźechmy hač do Bórkowow, zo bychmy tam padlowali. Wječor dachmy sej hišće swobodny čas lubić. Nazajtra kolesowachmy někak 30 kilometrow k słowjanskemu hrodzišću do Raduša. Jako so



krótko po wobjedže zaso do Choćebuza wróćichmy, čaka na nas hižo dalše dyrdomdejstwo - Choćebuska pławanska kupjel, w kotrejž dvě hodzinje přebywachmy. Srjedu wobhladachmy sej Serbski muzej w Choćebuzu. Tam wopyta nas radijowy sćelak „rbb Braniborska“ a porěča z někotrymi šulerkami a šulerjemi. Popołdnu wotjědže ćah zaso wróćo do Wojerec. Lětnikaj 7/1 a 7/2 dźakujetaj so knjezej Zahrodnikej, knjezej Wowčernej, knjezej Kliemankej a knjeni Krječmanowej za tutu wulkotnu jězbu!

- Beno Mikławšk a Cornelius Korch -

Sy hižo wědźať/a?

Melony liča pola nas jako sad. Tola poprawom njeje to scyła prawje: Z botaniskeho wida słušeja wšitke družiny melony k rostlinam kirbsow. Melona je potajkim skerje zelenina!
OOHHH!!

Abo sy hižo wědźať/a,

zo so truskalcy tohorunja do sadu njezarjaduja? Z botaniskeho wida njejsu scyła pľody, ale družina worjehow. To zaleži na tym, zo ma truskalca zwonka małe symješka (worješki), kotrež su wot twjerdeje skory wobdate, štož je typiske za worjeh. AAHHH!!



- Julia Grutkec -

Lěčne hry

Njedaj wodowy balon puknyć
 Tykń sej mjez kolenomaj
 pjelnjeny wodowy balon. Njes
 jón někak 10 metrow daloko do
 cila. Wariěruj w pohibje (na
 přiklad běž kaž rak abo dozady).

Wodowe jabłuko
 Maš bow połny wody.
 Spytaj so pluwace jabłuka
 we wodže z hubu a bjez
 rukow z bowa wudzić.

Wodowe mišterstwa
 Nastaj prózdne plastikowe
 bleše a polož na nje
 blidotenisowe bule. Spytaj
 nětko bule z wodowej třělbu
 wottřeleć. Štó docpěje
 najwjace dypkow?

Mjetać a tojić z wodowymi balonami

Pjelńće balony z wodu a
 přimjetajće sej tute. Pola kohož
 so balon pukny, dóstanje dypk.
 Štóž ma najwjace dypkow, je
 přehrať.